



শেখ হাসিনার দর্শন
বাংলাদেশের উন্নয়ন

কালীগঞ্জ উপজেলা পরিষদের মার্চ/২০২৪ মাসের সভার কার্যবিবরণী :

সভাপতি : জনাব মাহবুবুজ্জামান আহমেদ
চেয়ারম্যান
উপজেলা পরিষদ
কালীগঞ্জ, লালমনিরহাট।

সভার স্থান : উপজেলা পরিষদ মিলনায়তন, কালীগঞ্জ, লালমনিরহাট।

সভার তারিখ : ২৪/০৩/২০২৪।

সময় : বেলা: ১১.৩০ টায়।

উপস্থিতি : পরিশিষ্ট 'ক'

অনুপস্থিতি : পরিশিষ্ট 'খ'

কালীগঞ্জ উপজেলা পরিষদের চেয়ারম্যান সভায় উপস্থিত সম্মানিত সকল সদস্যদের শুভেচ্ছা জানান এবং উপজেলা পরিষদে ন্যস্ত সকল বিভাগীয় প্রধানের সহযোগিতা চেয়ে দিক নির্দেশনামূলক পরামর্শ প্রদান করেন। অতঃপর উপজেলা নির্বাহী অফিসার, কালীগঞ্জ, লালমনিরহাট-কে সভার কাজ পরিচালনার জন্য অনুরোধ জানান। জনাব জহির ইমাম, উপজেলা নির্বাহী অফিসার, কালীগঞ্জ, লালমনিরহাট সভায় উপস্থিত সকলকে স্বাগত ও শুভেচ্ছা জানিয়ে সভার কার্যক্রম পরিচালনা করেন।

০১। বিগত সভার কার্যবিবরণী অনুমোদন :

সভায় ০৩/০৩/২০২৪ তারিখে অনুষ্ঠিত ফেব্রুয়ারি ২০২৪ মাসের সভার কার্যবিবরণী পাঠ করে শুনানো হয় এবং তা সর্বসম্মতিক্রমে অনুমোদন করা হয়।

০২। কমিটি সমূহের সুপারিশ সম্পর্কিত আলোচনা :

উপজেলা ভাইস চেয়ারম্যান ও উপজেলা মহিলা ভাইস চেয়ারম্যান উপজেলা পরিষদে তার নেতৃত্বাধীন সভাগুলোর কার্যক্রম সুষ্ঠুভাবে পরিচালনার জন্য কমিটির সকল সদস্য সচিবগণকে অনুরোধ জানান এবং সকলের সহযোগিতা একান্তভাবে কামনা করেন।

বিভাগওয়ারী আলোচনা ও সিদ্ধান্ত : বিভাগওয়ারী বিস্তারিত আলোচনান্তে সর্বসম্মতিক্রমে নিম্নরূপ সিদ্ধান্ত গৃহীত হয়।

(i) স্বাস্থ্য বিভাগ :

উপজেলা স্বাস্থ্য ও পরিবার পরিকল্পনা কর্মকর্তা তার দাপ্তরিক কার্যক্রম সভায় উপস্থাপন করেন। তিনি জানান যে, বর্তমানে তার দপ্তরে ডাক্তারের মঞ্জুরীকৃত পদ ২৯টি, কর্মরত ১২জন এবং শূন্য পদ রয়েছে ১৭টি। হাসপাতালে নার্সের মঞ্জুরীকৃত পদ ৩৯টি কর্মরত ৩৭জন এবং শূন্য পদ ০২টি। বহিঃ বিভাগে চিকিৎসাপ্রাপ্ত রোগীর সংখ্যা ৪০৫০জন, জরুরী বিভাগে রোগীর সংখ্যা ১৫৩৪জন এবং আস্তঃ বিভাগে ভর্তি ৭৩৯জন। ইসিজি সেবা প্রদান ২৫জন এবং আলট্রাসোনোগ্রাম ০জন, এক্স-রে পরীক্ষা ০জন, প্যাথলজিক্যাল পরীক্ষা ২৩৫জন এবং স্বাভাবিক প্রসব ২৫জন। এছাড়া ২৪/০৩/২০২৪ তারিখ পর্যন্ত তার দপ্তরে করোনা ভাইরাস ১ম ডোজ ২,৩৪,৩২৪জন, ২য় ডোজ ২,১৭,৮৩১জন এবং ৩য় ডোজ ৯৫,০৭৭জন ভ্যাকসিন প্রদান করেছেন বলে সভায় জানান।

সিদ্ধান্ত : উপজেলা স্বাস্থ্য ও পরিবার পরিকল্পনা কর্মকর্তা, কালীগঞ্জ, লালমনিরহাট-কে স্বাস্থ্য সেবার মান উন্নয়নের প্রয়োজনীয় ব্যবস্থা গ্রহণের অনুরোধ জানিয়ে সভায় সর্বসম্মতিক্রমে সিদ্ধান্ত গৃহীত হয়।

(ii) কৃষি বিভাগ :

উপজেলা কৃষি অফিসার, কালীগঞ্জ, লালমনিরহাট সভায় তার দপ্তরের বিভাগীয় কার্যক্রম সম্পর্কে অবহিত করেন। বর্তমান কৃষি বান্ধব প্রকল্পের নির্দেশনা, "বোরো ধানের আবাদ কমানো যাবে না" বাস্তবায়নে বদ্ধপরিকর। এ বছরে ভূট্টার লক্ষ্যমাত্রা ছিল ৪১৭০ হেক্টর জমি; তন্মধ্যে ৪১১০ হেক্টর জমিতে ভূট্টা রোপন হয়েছে। রোগ ও পোকাকার পরিস্থিতি স্বাভাবিক রয়েছে। মাননীয় প্রধানমন্ত্রীর ঘোষণা ১ইঞ্চি জমিও যাতে অনাবাদী না থাকে সে লক্ষ্যে অনাবাদী পতিত জমি ও বসতবাড়ীর আশিনায় পারিবারিক পুষ্টি বাগান স্থাপন সম্পন্ন হয়েছে। এছাড়া তার বিভাগীয় কার্যক্রম স্বাভাবিকভাবে রয়েছে।

সিদ্ধান্ত : উপজেলা কৃষি অফিসার, কালীগঞ্জ, লালমনিরহাট-কে তার দপ্তরের কার্যক্রমসহ কৃষকদের মাঝে প্রণোদনা অব্যাহত রাখার অনুরোধ জানিয়ে সভায় সিদ্ধান্ত গৃহীত হয়।

(iii) প্রাণিসম্পদ বিভাগ :

উপজেলা প্রাণিসম্পদ কর্মকর্তা তার দপ্তরের কার্যক্রম সুষ্ঠুভাবে চলছে মর্মে সভায় অবহিত করেন। তিনি জানান যে, এ উপজেলায় ফেব্রুয়ারি/২০২৪ মাসে সংকর জাতের গবাদি পশুর বাছুরের সংখ্যা ২৯৫টি ও গবাদী পশুর চিকিৎসা সংখ্যা ২৭৩৬টি। টিকা প্রদানকারী গবাদী পশুর সংখ্যা ৯১৩টি। হাঁস-মুরগীর সংখ্যা ৬৪৩২০টি। চিকিৎসা প্রদানকারী হাঁস-মুরগীর সংখ্যা ১২৭২০টি এবং পোষা প্রাণির চিকিৎসা প্রদান ০৪টি যথাযথভাবে সম্পন্ন করা হয়েছে। এছাড়া পশু-পাখির রোগ অনুসন্ধান নমুনা সংগ্রহ ও গবেষণাগারে প্রেরণ সংখ্যা ০৪টি, ডিজিজ সার্ভিলেন্স সংখ্যা ০৩টি, খামারি প্রশিক্ষণ প্রদান সংখ্যা ০ জন। এছাড়া তিনি আরও জানান যে, গতমাসে ২২০০ মেট্রিক টন দুধ ও ১৫৮৬ মেট্রিক টন মাংস এবং ৪৫.৮ লক্ষমাত্রা ডিম উৎপাদন করা হয়েছে মর্মে সভায় জানান। এছাড়া অন্যান্য কার্যক্রম স্বাভাবিক রয়েছে।

সিদ্ধান্ত : উপজেলা প্রাণিসম্পদ কর্মকর্তা, কালীগঞ্জ, লালমনিরহাট-কে তার দপ্তরের কার্যক্রম স্বাভাবিক রাখার অনুরোধ জানিয়ে সভায় সিদ্ধান্ত গৃহীত হয়।

(iv) উপজেলা প্রকৌশলী :

(ক) উপজেলা প্রকৌশলী, কালীগঞ্জ, লালমনিরহাট সভায় জানান যে, ২০২৩-২০২৪ অর্থবছরের উপজেলা শহর (নন মিউনিসিপ্যাল) মাস্টারপ্ল্যান প্রণয়ন ও মৌলিক অবকাঠামো উন্নয়ন প্রকল্পের আওতায় নিম্নোক্ত প্রকল্পসমূহ পর্যালোচনাপূর্বক সভায় অনুমোদনের জন্য উপস্থাপন করেন। প্রকল্পসমূহ নিম্নরূপ:

ক্রমিক নং	অনুমোদিত প্রকল্পের নাম	আইডি নম্বর	চেইনেজ
১.	আরএনএইচ হইতে ইশোরকোল ভায়া কাইয়ুম রুদ্দেখর রাস্তা পাকাকরণ	১৫২৩৯৫০৬২	৩০০০-৪০০০মিটার
২.	জিলা সড়ক এর নিকট ভেটমারী হইতে দইখাওয়া ভায়া চামটাহাট সড়কে বক্স কালভার্ট নির্মাণকরণ	--	৫০ মিটার
৩.	তুষভাভার দৈনিক বাজার মাল্টিপারপাজ শেড নির্মাণ	--	--
৪.	কালীগঞ্জ হাটের মীট শেড ও শান্তিগঞ্জ হাটে একটি ওপেন শেড এর পরিবর্তে তুষভাভার বাজারে একটি মাল্টিপারপাজ শেড ও পুরাতন শেড মেরামতকরণ	--	--

সিদ্ধান্ত : উপজেলা প্রকৌশলী, কালীগঞ্জ, লালমনিরহাট এর উপস্থাপনকৃত বিষয়সমূহের উপর সভায় বিস্তারিত আলোচনা ও পর্যালোচনা করা হয়। আলোচনান্তে সকল সদস্যগণের মতামতের ভিত্তিতে সভায় সকল সদস্যগণ একমত পোষণ করলে তা সর্বসম্মতিক্রমে সিদ্ধান্ত গৃহীত হয় এবং সড়কের ধরণ: গ্রাম সড়ক (টাইপ-বি দৈর্ঘ্য ২.০০ কি. মি. এবং তদুর্ধ্ব) কপি সংযুক্ত।

(খ) উপজেলা প্রকৌশলী, কালীগঞ্জ, লালমনিরহাট সভায় জানান যে, লালমনিরহাট জেলার কালীগঞ্জ উপজেলার রোড ইনভেস্টমেন্টে অন্তর্ভুক্ত নেই মর্মে ০৭ (সাত) টি রাস্তা যার দৈর্ঘ্য ১২.১৫ কি: মি: এবং আইডি নম্বর যথাক্রমে ১৫২৩৯৫২২৭, ১৫২৩৯৫২২, ১৫২৩৯৫২২৯, ১৫২৩৯৫২৩০, ১৫২৩৯৫২৩১, ১৫২৩৯৫২৩২ এবং ১৫২৩৯৫২৩৩ রোড ইনভেস্টমেন্টে গেজেটের জন্য প্রস্তাব প্রেরণের জন্য সভায় উপস্থাপন করেন। উপস্থাপনকৃত প্রস্তাবের উপর বিস্তারিত আলোচনা করা হয় এবং তা সর্বসম্মতিক্রমে তা অনুমোদন করা হয়।

সিদ্ধান্ত : উপস্থাপনকৃত প্রস্তাবের উপরে বিস্তারিত আলোচনান্তে উপজেলা প্রকৌশলী, কালীগঞ্জ, লালমনিরহাট-কে প্রয়োজনীয় ব্যবস্থা গ্রহণের জন্য অনুরোধ জানিয়ে সর্বসম্মতিক্রমে সিদ্ধান্ত গৃহীত হয়।

(গ) উপজেলা প্রকৌশলী, কালীগঞ্জ, লালমনিরহাট সভায় জানান যে, উপজেলা পরিষদ ভবন মেরামত এবং উপজেলা পরিষদের হলরুম সংস্কার বাবদ ৩৫,০০,০০০/- (পঁয়ত্রিশ লক্ষ) টাকা স্থানীয় সরকার, পল্লী উন্নয়ন ও সমবায় মন্ত্রণালয়, স্থানীয় সরকার বিভাগ, উপজেলা শাখা-২ এর ১৩ এপ্রিল ২০২৪ তারিখের ৪৬.০০০০০.০৪৫.২০.০০২.২৩-২৭১ নং স্মারকমূলে বরাদ্দ প্রদান করেন। যা প্রাক্কলন মোতাবেক দ্রুত বাস্তবায়নের জন্য সভায় উপস্থাপন করেন। উপস্থাপনকৃত বিষয়ের উপর বিস্তারিত আলোচনা করা হয় এবং সর্বসম্মতিক্রমে তা অনুমোদন করা হয়।

সিদ্ধান্ত : উপজেলা পরিষদ ভবন মেরামত এবং উপজেলা পরিষদের হলরুম সংস্কার বাবদ ৩৫,০০,০০০/- (পঁয়ত্রিশ লক্ষ) টাকা উপজেলা পরিষদ উন্নয়ন তহবিল ব্যবহার নির্দেশিকা পিপিআর ও সরকারি বিধিবিধান অনুসরণপূর্বক ব্যয় করার প্রয়োজনীয় ব্যবস্থা গ্রহণের জন্য উপজেলা নির্বাহী অফিসার, কালীগঞ্জ, লালমনিরহাট-কে অনুরোধ জানিয়ে সভায় সর্বসম্মতিক্রমে সিদ্ধান্ত গৃহীত হয়।

✍

4

(ঘ) উপজেলা প্রকৌশলী, কালীগঞ্জ, লালমনিরহাট সভায় জানান যে, কালীগঞ্জ উপজেলার মান নিয়ন্ত্রণ ল্যাব উন্নয়নের জন্য যন্ত্রপাতি ক্রয় বাবদ ৩,০০,০০০/- (তিন লক্ষ) টাকা ২০২৩-২৪ অর্থ বছরের এডিপি'র প্রকল্প হতে বরাদ্দ প্রদানের জন্য সভায় উপস্থাপন করেন। উক্ত প্রকল্পটি সম্পর্কে বিস্তারিত আলোচনাতে সর্বসম্মতিক্রমে অনুমোদন করা হয়।

সিদ্ধান্ত : উপজেলা প্রকৌশলী, কালীগঞ্জ, লালমনিরহাট এর উপস্থাপনকৃত প্রকল্পের উপরে বিস্তারিত আলোচনাতে টেন্ডার প্রক্রিয়ার মাধ্যমে বাস্তবায়নের অনুরোধ জানিয়ে সভায় সর্বসম্মতিক্রমে সিদ্ধান্ত গৃহীত হয়।

(v) মৎস্য বিভাগ :

সিনিয়র উপজেলা মৎস্য অফিসার, কালীগঞ্জ, লালমনিরহাট সভায় অনুপস্থিত থাকায় তার বিভাগীয় কার্যক্রম সম্পর্কে জানা সম্ভব হলো না।

সিদ্ধান্ত : সিনিয়র উপজেলা মৎস্য কর্মকর্তা, কালীগঞ্জ, লালমনিরহাট-কে পরবর্তী মাসিক সভায় উপস্থিত থাকার অনুরোধ জানিয়ে সর্বসম্মতিক্রমে সিদ্ধান্ত গৃহীত হয়।

(vi) পরিবার পরিকল্পনা বিভাগ :

উপজেলা পরিবার পরিকল্পনা অফিসার সভায় জানান যে, পরিবার পরিকল্পনা এবং মা ও শিশু স্বাস্থ্য সংক্রান্ত কার্যক্রমের তথ্য উপস্থাপন করেন। স্থায়ী পদ্ধতি গ্রহণ করেছেন পুরুষ ০ জন, মহিলা ০ জন, দীর্ঘ মেয়াদী পদ্ধতি গ্রহণ করেছেন আই ইউ ডি ৫০০জন, ইমপ্ল্যান্ট ৩৫জন। অস্থায়ী পদ্ধতি (ক) খাবার বড়ি বিতরণ (সুখী) ১১৮০২৮জন, (খ) খাবার বড়ি বিতরণ (আপন) ১৫৯৮জন, কনডম ৫৮১০পিস, ইনজেকটেবলস ১২৭৩টি (ডায়াল) বিতরণ করা হয়েছে। তিনি জানান মোট সক্ষম দম্পতি ৫৫২২৭জন এবং মোট পদ্ধতি গ্রহণকারী ৪৪২১১জন। পদ্ধতি গ্রহণকারীর হার ৮০.০৫%। মা ও শিশু কার্যক্রম সম্পর্কে তিনি আরও জানান যে, নিবন্ধনকৃত গর্ভবতী মায়ের সংখ্যা পুরাতন ৮৯৪জন, নতুন গর্ভবতী ১৮৫জন মোট গর্ভবতী ১৫৯৪জন এবং ১৯৮০জন গর্ভবতীর পরিচর্যা করা হয়েছে। ১৬৯জন নরমাল ডেলিভারী, সিজারিয়ান ৭৩জন এবং প্রাতিষ্ঠানিক ডেলিভারী ০৭জন। ০-৫ বছরের শিশুর সেবা প্রদান করা হয়েছে ২২০৩জন। কিশোর-কিশোরী বয়ঃসন্ধিকাল সেবা দেয়া হয়েছে ৪৪৭০জনকে এবং সাধারণ রোগীর সেবা প্রদান করা হয়েছে ৩৭১৭জনকে। অত্র উপজেলায় ৪৮টি স্যাটেলাইট কমিউনিটি ক্লিনিকের মধ্যে সম্পাদিত হয়েছে ৩৯টি। তিনি আরও জানান যে, মাঠ পর্যায়ে বাড়ী বাড়ী দম্পতি রেজিস্ট্রেশন কার্যক্রম চলমান রয়েছে। বর্তমানে তার দপ্তরের কার্যক্রম স্বাভাবিক রয়েছে।

সিদ্ধান্ত : উপজেলা পরিবার পরিকল্পনা অফিসার-কে মা ও শিশু স্বাস্থ্য কার্যক্রম অব্যাহত রাখাসহ বিভাগীয় কার্যক্রম গতিশীল করার অনুরোধ জানিয়ে সভায় সর্বসম্মতিক্রমে সিদ্ধান্ত গৃহীত হয়।

(vii) উপজেলা প্রকল্প বাস্তবায়ন বিভাগ :

উপজেলা প্রকল্প বাস্তবায়ন কর্মকর্তা, কালীগঞ্জ, লালমনিরহাট সভায় জানান যে, দূর্যোগ ব্যবস্থাপনা মন্ত্রণালয়ের অধীন ০৭টি ব্রীজের কাজ সম্পন্ন হয়েছে। টি,আর ও কাবিখা প্রকল্পের কাজ চলমান রয়েছে। ইজিপপি অতিদরিদ্রদের জন্য কর্মসংস্থান কর্মসূচি শ্রমিকদের নতুন করে কাজ চলমান রয়েছে। এছাড়া তার দপ্তরের কার্যক্রম স্বাভাবিক রয়েছে।

সিদ্ধান্ত : উপজেলা প্রকল্প বাস্তবায়ন কর্মকর্তা, কালীগঞ্জ, লালমনিরহাট-কে গৃহীত প্রকল্পের ব্রীজ ও অন্যান্য প্রকল্পের কাজ নজরদারি রাখাসহ দ্রুত সম্পন্নকরণের অনুরোধ জানিয়ে সভায় সিদ্ধান্ত গৃহীত হয়।

(viii) মাধ্যমিক শিক্ষা বিভাগ :

উপজেলা মাধ্যমিক শিক্ষা অফিসার, কালীগঞ্জ, লালমনিরহাট সভায় অনুপস্থিত থাকায় তার বিভাগীয় কার্যক্রম সম্পর্কে জানা সম্ভব হলো না।

সিদ্ধান্ত : উপজেলা মাধ্যমিক শিক্ষা অফিসার, কালীগঞ্জ, লালমনিরহাট-কে পরবর্তী সভায় উপস্থিত থাকার অনুরোধ জানিয়ে সভায় সিদ্ধান্ত গৃহীত হয়।

(ix) প্রাথমিক শিক্ষা দপ্তর :

উপজেলা শিক্ষা অফিসার, কালীগঞ্জ, লালমনিরহাট সভায় জানান যে, সরকারি প্রমাপ অনুযায়ী বিদ্যালয় পরিদর্শন কাজ চলমান রয়েছে। শিক্ষকগণ বিদ্যালয়ে যথানিয়মে আগমন ও প্রস্থান করেছেন। নিখক সরকারি প্রাথমিক বিদ্যালয়ের ২৫.০০ শতাংশ জমি অবৈধভাবে দোকানঘর নির্মাণ করে দখল করে আসছেন মর্মে দখলদার উচ্ছেদের বিষয়ে উপজেলা নির্বাহী অফিসার, কালীগঞ্জ, লালমনিরহাট মহোদয়ের সার্বিক সহযোগিতা কামনা করেন। এছাড়া অন্যান্য কার্যক্রম স্বাভাবিক রয়েছে।

সিদ্ধান্ত : উপজেলা শিক্ষা অফিসার, কালীগঞ্জ, লালমনিরহাট-কে বিভাগীয় কার্যক্রম গতিশীল রাখার প্রয়োজনীয় ব্যবস্থা গ্রহণের জন্য অনুরোধ জানিয়ে সভায় সিদ্ধান্ত গৃহীত হয়।

(x) সমাজসেবা বিভাগ :

উপজেলা সমাজসেবা অফিসার, কালীগঞ্জ, লালমনিরহাট সভায় জানান যে, ২০২৩-২৪ অর্থ বছরে বয়স্ক, বিধবা ও প্রতিবন্ধী ভাতাভোগীদের দ্বিতীয় কিস্তির অর্থ ফেব্রুয়ারি ২০২৪ মাসের ১৭-৩০ তারিখের মধ্যে সম্পন্ন করা হয়েছে। এছাড়া অন্যান্য কার্যক্রম স্বাভাবিক রয়েছে।

সিদ্ধান্ত : উপজেলা সমাজসেবা অফিসার, কালীগঞ্জ, লালমনিরহাট-কে সকল প্রকারের ভাতা কার্যক্রম গতিশীল রাখার প্রয়োজনীয় ব্যবস্থা গ্রহণের জন্য অনুরোধ জানিয়ে সিদ্ধান্ত গৃহীত হয়।

(xi) জনস্বাস্থ্য প্রকৌশলী :

উপসহকারী প্রকৌশলী (জনস্বাস্থ্য), কালীগঞ্জ, লালমনিরহাট সভায় জানান যে, ২০২২-২০২৩ অর্থ বছরের সমগ্রদেশে নিরাপদ পানি সরবরাহ প্রকল্পের ১৪০টি অগভীর নলকূপের কাজ শেষ হয়েছে এবং ১৫টি বোরিং করা হয়েছে। Community Based water supply এর কাজ চলমান রয়েছে। বিভিন্ন প্রাথমিক বিদ্যালয়ে একতলা ওয়াশরুম নির্মাণের জন্য মাষ্টার প্লান অনুমোদনপূর্বক কাজ চলমান রয়েছে। MBTW এর ৫৩টি অগভীর নলকূপের কাজ চলমান রয়েছে। এছাড়া তার বিভাগীয় কার্যক্রম স্বাভাবিকভাবে চলমান রয়েছে।

সিদ্ধান্ত : উপসহকারী প্রকৌশলী (জনস্বাস্থ্য), কালীগঞ্জ, লালমনিরহাট-কে বিভাগীয় কার্যক্রম গতিশীল রাখার অনুরোধ জানিয়ে সভায় সিদ্ধান্ত গৃহীত হয়।

(xii) সমবায় বিভাগ :

উপজেলা সমবায় অফিসার, কালীগঞ্জ, লালমনিরহাট সভায় জানান যে, উপজেলা সমবায় বিভাগ কর্তৃক ০৪টি আশ্রয়ণ এবং ০৪টি আশ্রয়ণ (ফেইজ-২) প্রকল্পের কার্যক্রম চলমান আছে। ০৪টি আশ্রয়ণ প্রকল্পের মধ্যে কাশীরাম, ভোটমারী-১ এবং ভোটমারী-২ আশ্রয়ণ প্রকল্প সম্পূর্ণরূপে নদীগর্ভে বিলীন হয়ে গেছে এবং বোতলা আশ্রয়ণ ও মহিষামুড়ী আশ্রয়ণ ফেইজ-২ এবং উত্তর বালাপাড়া আশ্রয়ণ ফেইজ-২ প্রকল্পের ব্যারাক হাউজের ঘড়ুলো মেরামত না করায় পুনর্বাসিত পরিবারগুলো ব্যারাক হাউজ ছেড়ে অন্যত্র বসবাস করছে। আশ্রয়ণ (ফেইজ-২) প্রকল্পের আন্ততায় চলমান প্রকল্পগুলো হলো ১) উত্তর বালাপাড়া, ২) উত্তর দলগ্রাম কালভেরব, ৩) উত্তর দলগ্রাম বড়দীঘির পাড় এবং ৪) মহিষামুড়ী আশ্রয়ণ (ফেইজ-২) প্রকল্প। উল্লিখিত ০৪টি আশ্রয়ণ (ফেইজ-২) প্রকল্পে মোট ৩৪০টি পরিবার পুনর্বাসিত হয়েছে। উক্ত পুনর্বাসিত পরিবারের মধ্যে আগস্ট/২০২৩ মাস পর্যন্ত মোট ৩৬,৪৭,০০০/- টাকা ঋণ প্রদান করা হয়েছে। উক্ত ঋণের মধ্যে ফেব্রুয়ারি ২০২৪ মাসে মোট আসল ১৯,০৬,৬১৭/- এবং ১,৫২,২৩৮/- সার্ভিস চার্জ আদায় করা হয়েছে। উক্ত সার্ভিস চার্জ এর মধ্যে ৩% হিসেবে আশ্রয়ণ প্রকল্পে ৫৪,৯৩০/- টাকা প্রেরণ করা হয়েছে। আলোচ্য মাস পর্যন্ত অত্র কার্যালয়ের আন্ততায়ীন ৬৬টি প্রাথমিক সমিতির মধ্যে ২০২১-২০২২ অর্থ বছরের অডিট কার্যক্রম সম্পন্ন হয়েছে। চলমান আটটি সম্পাদনকৃত অডিটের প্রেক্ষিতে অডিট ফি বাবদ ৩৯,৬৩০/- টাকা, সমবায় উন্নয়ন তহবিল বাবদ ৭০,৮২৮/- টাকা ও ভ্যাট বাবদ ৩,৪৬৫/- টাকা আদায় করা হয়েছে। উক্ত টাকা আদায় করে সরকারি কোষাগারে জমা প্রদানের প্রয়োজনীয় ব্যবস্থা গ্রহণ করা হবে। এছাড়া বর্তমানে তাঁর বিভাগীয় কার্যক্রম স্বাভাবিক রয়েছে। মুজিববর্ষ উপলক্ষে কালীগঞ্জ উপজেলায় আশ্রয়ণ-২ প্রকল্পের আন্ততায় বর্তমান মাস পর্যন্ত ১০টি আশ্রয়ণ প্রকল্পের নিবন্ধন কার্যক্রম প্রক্রিয়া সম্পন্ন হয়েছে।

সিদ্ধান্ত : সমবায় অফিসার, কালীগঞ্জ, লালমনিরহাট-কে বিভাগীয় কার্যক্রম অব্যাহত রাখার অনুরোধ জানিয়ে সিদ্ধান্ত গৃহীত হয়।

(xiii) মহিলা বিষয়ক দপ্তর :

উপজেলা মহিলা বিষয়ক কর্মকর্তা, কালীগঞ্জ সভায় জানান যে, ২০২৩-২০২৪ অর্থ বছরের আন্ততায় ফেব্রুয়ারি ২০২৪ মাসের ২১৩৬জন উকারভোগীদের খাদ্যশস্য বিতরণ সম্পন্ন হয়েছে। ২০২৩-২৪ অর্থ বছরের অক্টোবর হতে ডিসেম্বর/২৩ পর্যন্ত ০৩ (তিন) মাস মেয়াদী WTC প্রশিক্ষণ কেন্দ্রে দর্জি বিজ্ঞান ট্রেডে ১০ জন প্রশিক্ষার্থীর প্রশিক্ষণ কার্যক্রম সম্পন্ন হয়েছে। মহিলাদের আত্মকর্মসংস্থানের জন্য ক্ষুদ্রঋণ কার্যক্রমের আওতায় ডিসেম্বর/২৩ মাসে ঋণের কিস্তি বাবদ সুদাসলসহ ২,৯৪৮/- টাকা আদায় হয়েছে এবং ব্যাংকে জমা করা হয়েছে মর্মে সভায় উপস্থাপন করেন। ডিসেম্বর/২৩ মাসে স্থিতির পরিমাণ ৫০৭১৫৭/২৬ টাকা। অত্র কার্যালয়ের অধীনে ০৮টি ইউনিয়নে অবস্থিত ০৮টি ক্লাবের ক্লাব প্রতি ২০ জন কিশোরী ও ১০ জন কিশোরসহ মোট ৩০ জন হিসেবে ২৪০ জন সংগীত ও আবৃত্তি বিষয়ে প্রশিক্ষণ প্রদান করা হচ্ছে। ডিসেম্বর/২৩ মাসে জজ কোর্ট, লালমনিরহাট হতে নারী ও শিশু নির্যাতন বিষয়ে কোন মামলা তদন্তের জন্য অত্র কার্যালয়ে জমা পরে নাই। এছাড়াও তিনি জানান যে, অত্র কার্যালয়টি বারান্দার কাঠ ও টিন নষ্ট হয়ে যাওয়ায় ব্যবহারের অনুপযোগী হেতু প্রয়োজনীয় ব্যবস্থা গ্রহণ করার জন্য সভায় অনুরোধ জানান। এছাড়া তার বিভাগীয় কার্যক্রম স্বাভাবিকভাবে চলছে।

সিদ্ধান্ত : উপজেলা মহিলা বিষয়ক কর্মকর্তা, কালীগঞ্জ, লালমনিরহাট-কে তার বিভাগীয় কার্যক্রম সুষ্ঠুভাবে পরিচালনার অনুরোধ জানিয়ে সভায় সিদ্ধান্ত গৃহীত হয়।

(xiv) পল্লী উন্নয়ন :

উপজেলা পল্লী উন্নয়ন অফিসার, কালীগঞ্জ, লালমনিরহাট সভায় জানান যে, ক্ষুদ্র ঋণ, উদ্যোক্তা ঋণ বিতরণ, পুঁজি গঠন ও ঋণ আদায় কার্যক্রম চলমান রয়েছে। চলতি ২০২৩-২০২৪ অর্থ বছরে ৪০জন সদস্যকে প্রশিক্ষণ প্রদান করা হয়েছে। ডিসেম্বর ২০২৩ পর্যন্ত ৬০.০০ লক্ষ টাকা ঋণ বিতরণ করা হয়েছে। তার বিভাগীয় অন্যান্য কার্যক্রম স্বাভাবিক রয়েছে।

সিদ্ধান্ত : পল্লী উন্নয়ন কর্মকর্তা, কালীগঞ্জ, লালমনিরহাট-কে তার বিভাগীয় কার্যক্রম সুষ্ঠুভাবে পরিচালনার অনুরোধ জানিয়ে সভায় সিদ্ধান্ত গৃহীত হয়।

(xv) যুব উন্নয়ন বিভাগ :

উপজেলা যুব উন্নয়ন কর্মকর্তা, কালীগঞ্জ, লালমনিরহাট সভায় জানান যে, চলতি অর্থবছরে এ যাবৎ প্রশিক্ষণার্থীর সংখ্যা ৮৬২২জন। তন্মধ্যে পুরুষ প্রশিক্ষণার্থী ৪৮৩৯জন ও নারী প্রশিক্ষণার্থী ৩৭৮৩ জন। চলতি অর্থ বছরে ঋণ বিতরণ করা হয়েছে ৯,৪০,০০০/- টাকা, ক্রমপঞ্জিত ঋণ বিতরণ ১,৯৮,৯৯,৫০০/- (এক কোটি আটাত্তাল্লিশ লক্ষ নব্ব্বানব্বই হাজার পাঁচশত) টাকা। সর্বমোট আদায়যোগ্য ঋণ ১,৪৭,৬০,৪৬২/- (এক কোটি সাতচত্ব্বিশ লক্ষ ষাট হাজার চারশত বাষট্টি) টাকা। ঋণ আদায় হার ৮৬%। এছাড়া তার বিভাগীয় কার্যক্রম স্বাভাবিকভাবে চলছে মর্মে সভায় জানান।

সিদ্ধান্ত : উপজেলা যুব উন্নয়ন কর্মকর্তা, কালীগঞ্জ, লালমনিরহাট-কে বিভাগীয় কার্যক্রম সুষ্ঠুভাবে পরিচালনার অনুরোধ জানিয়ে সভায় সিদ্ধান্ত গৃহীত হয়।

(xvi) ফরেস্টার উপজেলা বনায়ন ও নার্সারী কেন্দ্র :

ফরেস্টার, উপজেলা বনায়ন ও নার্সারী কেন্দ্র, কালীগঞ্জ, লালমনিরহাট সভায় জানান যে, উপজেলা নির্বাহী অফিসার, কালীগঞ্জ, লালমনিরহাট কর্তৃক উপজেলা পরিষদের বাউন্ডারী ওয়াল তৈরীর নিমিত্ত উপজেলা ডাক বাংলো'র পশ্চিম দিকে ভূমি অফিস যাওয়ার রাস্তার পাশে উপজেলা পরিষদ মালিকানাধীন বিভিন্ন প্রজাতির ০৩ (তিন) টি ঝুঁকিপূর্ণ গাছ কর্তন করা একান্ত প্রয়োজন রয়েছে মর্মে পত্র প্রেরণ করেন। তৎপ্রেক্ষিতে সরেজমিনে গাছগুলো পরিদর্শনপূর্বক কাঠ ও জ্বালানীর পরিমাপ নিরূপণ করে উক্ত ঝুঁকিপূর্ণ গাছের মূল্য নির্ধারণ করা হয় মর্মে সভায় উপস্থাপন করেন। সভায় বিস্তারিত আলোচনান্তে উপজেলা পরিষদের বাউন্ডারী ওয়াল তৈরীর নিমিত্ত উপজেলা ডাক বাংলো'র পশ্চিম দিকে ভূমি অফিস যাওয়ার রাস্তার পাশের বিভিন্ন প্রজাতির ০৩ (তিন) টি ঝুঁকিপূর্ণ গাছ উপজেলা পরিষদ ম্যানুয়াল এর বিধি মোতাবেক দ্রুত অপসারণের প্রয়োজনীয় ব্যবস্থা গ্রহণের জন্য সভায় সকল সদস্যগণ একমত পোষণ করলে তা অনুমোদন করা হয়।

সিদ্ধান্ত : উপজেলা পরিষদের বাউন্ডারী ওয়াল তৈরীর নিমিত্ত উপজেলা ডাক বাংলো'র পশ্চিম দিকে ভূমি অফিস যাওয়ার রাস্তার পাশে বিভিন্ন প্রজাতির ০৩ (তিন) টি ঝুঁকিপূর্ণ গাছ উপজেলা পরিষদ ম্যানুয়াল এর বিধি মোতাবেক দ্রুত অপসারণের প্রয়োজনীয় ব্যবস্থা গ্রহণের জন্য উপজেলা নির্বাহী অফিসার, কালীগঞ্জ, লালমনিরহাট-কে অনুরোধ জানিয়ে সভায় সর্বসম্মতিক্রমে সিদ্ধান্ত গৃহীত হয়।।

০৪। বিবিধ আলোচনা ও সিদ্ধান্ত :

(ক) উপজেলা নির্বাহী অফিসার, কালীগঞ্জ, লালমনিরহাট সভায় ফেব্রুয়ারি ২০২৪ মাসের উপজেলা পরিষদের খাতওয়ারি ব্যয় বিল সম্পর্কে বিস্তারিত আলোচনা করেন। সভায় খাতওয়ারি উপস্থাপনকৃত বিলসমূহ বিস্তারিত আলোচনান্তে পরিশোধের নিমিত্ত সভায় সর্বসম্মতিক্রমে অনুমোদন করা হয়।

সিদ্ধান্ত : উপজেলা নির্বাহী অফিসার, কালীগঞ্জ, লালমনিরহাট এর উপস্থাপনকৃত বিলসমূহ উপজেলা পরিষদের রাজস্ব তহবিলের অর্পায়নে খাতওয়ারি পরিশোধের প্রয়োজনীয় ব্যবস্থা গ্রহণের অনুরোধ জানিয়ে সভায় সর্বসম্মতিক্রমে সিদ্ধান্ত গৃহীত হয়।

(খ) চেয়ারম্যান, মদাতী ইউনিয়ন পরিষদ সভায় জানান যে, চামটাহাট হতে দইখাওয়াগামী রাস্তাটি বীর মুক্তিযোদ্ধা মরহুম আবুল হোসেন আমিন এর নামে নামকরণের জন্য সভায় উপস্থাপন করেন। চেয়ারম্যান, মদাতী ইউনিয়ন পরিষদের উপস্থাপনকৃত রাস্তাটি বীর মুক্তিযোদ্ধা মরহুম আবুল হোসেন আমিন এর নামে নামকরণের জন্য বিস্তারিত আলোচনা করা হয়।

সিদ্ধান্ত : চেয়ারম্যান, মদাতী ইউনিয়ন পরিষদ, কালীগঞ্জ, লালমনিরহাট এর উপস্থাপনকৃত রাস্তাটি বীর মুক্তিযোদ্ধা মরহুম আবুল হোসেন আমিন এর নামে নামকরণের প্রয়োজনীয় ব্যবস্থা গ্রহণের জন্য সভায় অনুরোধ জানিয়ে সর্বসম্মতিক্রমে সিদ্ধান্ত গৃহীত হয়।

(গ) উপজেলা প্রকৌশলী, কালীগঞ্জ, লালমনিরহাট সভায় জানান যে, কালীগঞ্জ উপজেলা পরিষদের সামনের পুকুরটি সংস্কার এবং পুকুরের ঘাটলা মেরামত করা একান্ত প্রয়োজন। উক্ত পুকুরটি সংস্কার এবং ঘাটলা মেরামতের নিমিত্ত ২৫,০০,০০০/- (পঁচিশ লক্ষ) টাকার প্রাক্কলন প্রস্তুত করা হয়েছে; যা সভায় অনুমোদনের জন্য উপস্থাপন করেন। উপস্থাপনকৃত প্রাক্কলন নিয়ে সভায় বিস্তারিত আলোচনা ও পর্যালোচনা করা হয় এবং বিস্তারিত আলোচনান্তে সকল সদস্যগণ একমত পোষণ করলে তা সর্বসম্মতিক্রমে অনুমোদন করা হয়।

সিদ্ধান্ত : উপজেলা প্রকৌশলী, কালীগঞ্জ, লালমনিরহাট এর উপস্থাপনকৃত কালীগঞ্জ উপজেলা পরিষদের সামনের পুকুর সংস্কার এবং ঘাটলা মেরামতের নিমিত্ত প্রাক্কলন মোতাবেক বরাদ্দ প্রাপ্তির জন্য স্থানীয় সরকার মন্ত্রণালয়ে পত্র প্রেরণের প্রয়োজনীয় ব্যবস্থা গ্রহণের জন্য উপজেলা নির্বাহী অফিসার, কালীগঞ্জ, লালমনিরহাট-কে অনুরোধ জানিয়ে সভায় সর্বসম্মতিক্রমে সিদ্ধান্ত গৃহীত হয়।

(ঘ) উপজেলা প্রকৌশলী, কালীগঞ্জ, লালমনিরহাট সভায় জানান যে, উপজেলা পরিষদের বাউন্ডারী ওয়াল তৈরীর নিমিত্ত জরুরী ভিত্তিতে উপজেলা ডাক বাংলো'র সীমানায় পশ্চিম দিকে প্রায় ১০০ মিটার দৈর্ঘ্যের ০১টি পুরাতন/ঝুঁকিপূর্ণ বাউন্ডারী ওয়াল অপসারণ করা একান্ত প্রয়োজন। কিন্তু উল্লিখিত ডাক বাংলোটি জেলা পরিষদ কর্তৃক নিয়ন্ত্রণাধীন রয়েছে মর্মে চেয়ারম্যান, জেলা পরিষদ, লালমনিরহাট এর অনুমতির প্রয়োজন রয়েছে মর্মে সভায় উপস্থাপন করেন। উপস্থাপনকৃত বিষয়ের উপর বিস্তারিত আলোচনান্তে সকল সদস্যগণ একমত পোষণ করলে তা সর্বসম্মতিক্রমে অনুমোদন করা হয়।

সিদ্ধান্ত : উপজেলা প্রকৌশলী, কালীগঞ্জ, লালমনিরহাট কর্তৃক উপস্থাপনকৃত উপজেলা পরিষদের বাউন্ডারী ওয়াল তৈরীর নিমিত্ত উপজেলা ডাক বাংলো'র সীমানায় পশ্চিম দিকে প্রায় ১০০ মিটার দৈর্ঘ্যের ০১টি পুরাতন/ঝুঁকিপূর্ণ বাউন্ডারী ওয়াল জরুরী ভিত্তিতে অপসারণের নিমিত্ত চেয়ারম্যান, জেলা পরিষদ, লালমনিরহাট বরাবারে অনুমতির জন্য উপজেলা নির্বাহী অফিসার, কালীগঞ্জ, লালমনিরহাট-কে পত্র প্রেরণের প্রয়োজনীয় ব্যবস্থা গ্রহণের জন্য অনুরোধ জানিয়ে সভায় সর্বসম্মতিক্রমে সিদ্ধান্ত গৃহীত হয়।

(৩) উপজেলা নির্বাহী অফিসার, কালীগঞ্জ, লালমনিরহাট সভায় জানান যে, লালমনিরহাট জেলাধীন কালীগঞ্জ উপজেলার অনুকূলে ০১টি অত্যাধুনিক ডাক বাংলো নির্মাণের জন্য ইতোমধ্যে জেলা পরিষদ, লালমনিরহাট স্থানীয় সরকার মন্ত্রণালয় হতে বরাদ্দ পেয়েছেন মর্মে উপজেলা নির্বাহী অফিসার, কালীগঞ্জ, লালমনিরহাট-কে মৌখিকভাবে জানানো হয়। কিন্তু উক্ত অত্যাধুনিক ডাক বাংলোটি নির্মাণের জন্য ৪০ শতাংশ জায়গার প্রয়োজন যা ; জেলা পরিষদের নিয়ন্ত্রণে নেই। কিন্তু উপজেলা পরিষদ এর নিজস্ব জমিতে নির্মাণ করা সম্ভব মর্মে সভায় উপস্থান করেন এবং সকল সদস্যগণের মতামত একান্ত প্রয়োজন। উপজেলা নির্বাহী অফিসার, কালীগঞ্জ, লালমনিরহাট এর উপস্থাপনকৃত বিষয়ের উপর বিস্তারিত আলোচনা করা হয় এবং অত্যাধুনিক ডাক বাংলোটি উপজেলা পরিষদের নিজস্ব জমিতে নির্মাণের জন্য সকল সদস্যগণ একমত পোষণ করলে তা সর্বসম্মতিক্রমে অনুমোদন করা হয়।

সিদ্ধান্ত : উপজেলা নির্বাহী অফিসার, কালীগঞ্জ, লালমনিরহাট এর উপস্থাপনকৃত অত্যাধুনিক ডাক বাংলোটি উপজেলা পরিষদ এর নিজস্ব ৪০ শতাংশ জমিতে নির্মাণ করা সম্ভব মর্মে সকল সদস্যগণ একমত পোষণ করেন এবং উপজেলা নির্বাহী অফিসার, কালীগঞ্জ, লালমনিরহাট-কে অত্যাধুনিক ডাক বাংলো নির্মাণের বিষয়ে পরবর্তী প্রয়োজনীয় ব্যবস্থা গ্রহণের অনুরোধ জানিয়ে সভায় সর্বসম্মতিক্রমে সিদ্ধান্ত গৃহীত হয়।

বিস্তারিত আলোচনান্তে চেয়ারম্যান, উপজেলা পরিষদ, কালীগঞ্জ, লালমনিরহাট উপজেলা পর্যায়ের সকল বিভাগীয় কর্মকর্তাগণকে উপস্থিত থেকে সুনির্দিষ্ট সিদ্ধান্ত/মতামত গ্রহণের জন্য ধন্যবাদ জানান। এছাড়া তিনি মাননীয় প্রধানমন্ত্রীর স্মার্ট বাংলাদেশ বিনির্মাণে সকলকে আন্তরিক হয়ে নিষ্ঠার সাথে কাজ করার আহবান জানান।

অতঃপর সভায় আর অন্য কোন আলোচনা না থাকায় সকলকে ধন্যবাদ জানিয়ে সভার সমাপ্তি ঘোষণা করেন।


(মাহবুবুজ্জামান আহমেদ)

তারিখ:- ২৪-০৩-২০২৪

চেয়ারম্যান

উপজেলা পরিষদ

ও

সভাপতি

উপজেলা পরিষদ মাসিক সভা

কালীগঞ্জ, লালমনিরহাট।

উপজেলা পরিষদ কার্যালয়
কালীগঞ্জ, লালমনিরহাট।

স্মারক নম্বর:- ০৫.৪৭.৫২৩৯.০০০.০৩.০৪৮.২০২৪-১৩ (৩৫)

তারিখ: ১০ চৈত্র ১৪৩১
২৪ মার্চ ২০২৪

অনুলিপি (সদয় জ্ঞাতার্থে/জ্ঞাতার্থে ও কার্যার্থে) :

- ১। বীর মুক্তিযোদ্ধা আলহাজ্ব নুরুজ্জামান আহমেদ, মাননীয় জাতীয় সংসদ সদস্য, ১৭-লালমনিরহাট-২।
- ২। সচিব, স্থানীয় সরকার বিভাগ, স্থানীয় সরকার, পল্লী উন্নয়ন ও সমবায় মন্ত্রণালয়, বাংলাদেশ সচিবালয়, ঢাকা।
- ৩। যুগ্ম সচিব (উপজেলা), স্থানীয় সরকার বিভাগ, স্থানীয় সরকার, পল্লী উন্নয়ন ও সমবায় মন্ত্রণালয়, বাংলাদেশ সচিবালয়, ঢাকা।
- ৪। পরিচালক, স্থানীয় সরকার, রংপুর বিভাগ, রংপুর।
- ৫। জেলা প্রশাসক, লালমনিরহাট।
- ৬। উপপরিচালক, স্থানীয় সরকার, লালমনিরহাট।
- ৭। চেয়ারম্যান, উপজেলা পরিষদ, কালীগঞ্জ, লালমনিরহাট।
- ৮। উপজেলা ভাইস চেয়ারম্যান, উপজেলা পরিষদ, কালীগঞ্জ, লালমনিরহাট।
- ৯। উপজেলা মহিলা ভাইস চেয়ারম্যান, উপজেলা পরিষদ, কালীগঞ্জ, লালমনিরহাট।
- ১০। উপজেলা ----- কর্মকর্তা, কালীগঞ্জ, লালমনিরহাট।
- ১১। চেয়ারম্যান ----- (সকল) ইউপি, কালীগঞ্জ, লালমনিরহাট।
- ১২। জনাব ----- কালীগঞ্জ, লালমনিরহাট।



(জহির ইমাম)

উপজেলা নির্বাহী অফিসার

ও

মুখ্য নির্বাহী কর্মকর্তা

উপজেলা পরিষদ

কালীগঞ্জ, লালমনিরহাট।